

懸魚

佢高中入學考試考煞，在屋下等成績發表，鄰舍阿忠睇佢逐日閒閒無事做，就擎一支舊懸枹送分佢，喊佢做得去大溪壩學懸魚。正提著懸枹個時節，佢試著有兜無結無煞，因為，佢毋識懸過魚仔，對懸魚又無半點願頭，佢想，阿忠送懸枹分佢愛做麼个？毋過，佢又想，係有一日阿忠問佢有去懸魚無？佢仰敢應佢講懸枹還放在門扇角？想去想轉幾下日，佢正有兜主意，心想，既然懸枹便便，就罔來學懸魚。

阿忠送分佢個懸枹係竹做个，三截鬥起來差毋多有丈零長，阿忠又教佢綑魚線、魚鉤，安墜仔摺浮胖，還摺佢講大溪壩哪站較有魚仔好懸。佢多少知愛仰般懸魚後，就尋一日下晝去大溪壩試睇仔。佢先去一個水較恬較深个水窟脣，摺懸枹準備好勢，蟲蟻鉤好後，就摺魚鉤拂入水窟肚。佢擎等懸枹，專心睇等浮胖，心肝肚希望煞煞有魚仔來咬鉤。毋過，等歸下晝，浮胖搖無幾多下，大體時間在水面澄澄。佢原本用企，企懶咧就跼，跼懶咧就坐，包尾將就摺懸枹刺在石縫肚。幾點鐘過忒，懸枹動無幾多下，等到人恠咧，佢就摺東西收收仔轉屋下。幾日過，佢心肝緊想緊毋甘願，又走去大溪壩懸魚。盲知，摺第一擺差毋多，佢想自家仰會恠毋壁，就又連連續續去幾下輪。結果，除忒無懸著半尾魚仔以外，還緊懸緊闊，幾下擺明明就睇著魚仔在該咬魚鉤，浮胖還分魚仔拉入水窟肚，懸枹擎起來就係無睇著半尾，正經還闊人！就該恠多擺以後，佢毋識再過去大溪壩懸魚，當然，懸枹就一直放在門扇角咧！

經過這擺個經驗以後，佢正知懸魚毋係恠簡單个頭路，裝備、技術愛好以外，還愛盡有耐心。到今，佢還當欽服好懸魚个人，見擺睇著該兜坐在陂塘脣、跼在溪壩脣、企在海脣無斯坐船出海懸魚个人，毋驚日頭烈、毋驚風浪大，佢就知佢兜定著對懸魚有十足个精神。佢實在欠這種精神，所以，正懸母著半條魚仔。好得，佢有幾下個好懸魚个朋友，有時節佢兜懸魚轉，會送兜魚仔分佢，分佢乜有食著蔞魚个機會。佢想，佢毋使再過學懸魚咧，還係乖乖做一個搵食魚仔个人較了俐！

前兩年个八月半，朋友湊佢去佢个老屋寮，食飽晝，佢又湊佢去山脣个陂塘懸魚。佢兩儕跼在陂塘脣一片懸魚、一片譚哆。等一站時間過，佢喊佢掌懸枹，佢接手後，心肝肚緊想起頭擺个漏氣事，噯無睇著浮胖分魚仔拉去拉轉咧！朋友大喊：「煞兜拉懸枹！」佢就遽遽摺懸枹擎起來，一尾五指大个魚仔跼等上來，佢毋敢相信自家个目珠，這敢係佢懸著个？佢自家先著驚一下，正相信這正經係佢第一擺懸著个魚仔。續等，佢細心細義摺魚鉤剝啟來，再過摺魚仔放轉陂塘肚，希望下二擺佢个目珠愛擎較金兜。

作者：林伯殷

☆詞彙學習☆

【懸枹】vien` binˊ：釣竿。

【門扇角】mun shan` gogˊ：門後角落。

【浮胖】po pangˊ：浮標。

【蟲蟻】chung hienˊ：蚯蚓。

【澄澄】den den：直立貌。

【水窟肚】fi` deu` duˊ：水裡。

【了俐】liau liˊ：乾脆。

【譚哆】dam de：閒聊。

【剝啟】bog` ludˊ：剝開、解開。

【擎較金兜】bag` ka` gimˊ deuˊ：睜亮點。